

**Oqaasiliotut apriliip 23-anni 2003, nal. 12.00 Oqaasileriffimmi ataatsimin-
nerannit imaqarniliaq**

Peqataasut: Carl Chr. Olsen aamma Nuka Møller.

Stephen Heilmann aamma Pia R. Heilmann peqquteqarlutik peqataanngillat.

Allatsigalugu: Pia N. Knudsen.

Oqaluuserisassat:


1. Forvaltning for kultur og børn
2. Alfabet kalaallisut

-1 pillugu-

CCO: Nuup kommuniata Oqaasiliortunut *forvaltning for kultur og børn* kalaallisut taaguutissaa pillugu saaffiginnissuteqarsimavoq, aamma Sisimiut Kommuniat assipaluanik saaffiginnissuteqarluni. Tassunga ilanngullugu oqaatsip *udvalg* kalaallisut taaguutissaa pillugu saaffiginnissutaavoq.

CCO: Kommunini *forvaltning* immikkoortoqarfimmik taaneqartarmat taamatut taaneqartarnissaa CCO-p ajornartorsiutaassangatinngilaa.

CCO: Siornatigut meeqqanut tunngasut tamarmik socialip immikkoortoqarfianiissimasut massakkut immikkut *forvaltning for kultur og børn*-mik taaguuserlugu immikkoortoqarfeqalerput, tassani pineqarput meeraaqqeriviit, meeqqeriviit, paaqqinnittarfiit meeqqallu atuarfiini 11. klasse tikillugu atuartut. Immikkoortoqarfimmi pineqarput meeqqat 18-nit inorlugit ukiullit.



CCO: CCO-p siunnersuutigaa Kultureqarnermut meeqqanullu immikkoortoqarfimmik taaguuteqalissasoq, tassani paasineqassasoq meeqqat 18-nit inorlugit pineqartut.

CCO: Oqaaseq *Udvalg* ataatsimiititaq-mik taaneqarnissaa siunnersuutigaa, ataatsimiititap suliaq aallaqqaataaniik naammassinissaata tungaanut suliarisarnera pissutigalugu.

Oqaaseq *Forvaltning for kultur og børn* kalaallisut Kultureqarnermut meeqqanullu immikkoortoqarfimmik taava oqaaseq *Udvalg* kalaallisut Ataatsimiititaq-mik taaguuteqalissasut Oqaasiliortunit aalajangerneqarput.


-2 pillugu-

CCO: Radioaviisimi sulisut *Alfabetip* kalaallisut qanoq taagorneqartarnersut Oqaasileriffimmut aperisimapput.

CCO: CCO-p siunnersuutigaa aspirerede ord, tassalu p aamma k aspiration-ii peerlugit taaneqartassasut. Naqinnerit pineqartut supinertaqanngitsumik taaneqartarnerat atugaavoq.

NM: Oqaasersiat kalaallisuunngorlugit qanoq taaneqartarnissaat NM-p apeqqutigaa.

CCO: Kalaallit qangaaniit taaguutit atugaat saniatigut nipini malittarisat danskisuumit sunniutaat atorineqartalersut CCO-p oqaatigaa. Siornatigut kalaallit oqalunnerminni atortagaat tassaavoq CVCV~VCVC mas-sakkullu CCCV-mik atuilersimaneq ersarissaq CCO-p oqaatigaa.



Naqinnerit æ, ø, y, å ullumikkut kalaallinit vokalitut atorreqartut CCO-p oqaatigaattaq.

Taakkukunnga tunngasunik nassuiaat maanna suliarineqarpoq, aamma inner-suussutigineqarpoq OQAATSIT-nut tapiliussatut atuagakkaa.

Carl Chr. Olsen
Siulittaasoq

Pia N. Knudsen
Allatsi